

馮氏錦囊秘錄痘疹全集卷三

總論痘要夾症門

男 乾元龍田

海鹽馮兆張楚瞻甫纂輯

門人孫顯達惟良全校

男 乾亨禮齋

夾症

發症者陽明受臬炎之毒所致也。然症有二。陽毒發症者。必壯熱渴燥。五心如烙。脉洪有力。色紅赤者。胃熱也可治。紫黑者。胃爛也不治。色純黑者。熱毒入胃已極。尤爲不治之症。若熱毒壅盛而大便秘結者。宜急下之。否則胃熱不

馮氏錦囊秘錄痘疹全集卷三

總論痘要夾症門

男 乾元龍田

海鹽馮兆張楚瞻甫纂輯

門人孫顯達惟良全校

男 乾亨禮齋

夾症

發症者陽明受臬炎之毒所致也。然症有二。陽毒發症者。必壯熱渴燥。五心如烙。脉洪有力。色紅赤者。胃熱也可治。紫黑者。胃爛也不治。色純黑者。熱毒入胃已極。尤爲不治之症。若熱毒壅盛而大便秘結者。宜急下之。否則胃熱不

得以泄其痧益熾。但不可下之太早。否則中氣餒弱。其痧難出而爲陷伏。且熱乘虛入胃。痧毒更爲難療矣。此與傷寒下法之理相同也。如陰症發痧者。必身無大熱。手是甲俱青。其脉沉細。其色微紅。此乃無根失守之火聚於胃。熏於肺。傳於皮膚而爲痧也。妄投涼劑。則又誤矣。故宜濕胃調中爲主。胃氣和則火自下。痧自退而痘自出也。凡腎症腰疼難立之候。而必有痧者何也。蓋腎爲胃之關。如熱毒蘊蓄而不得泄。是以傳注胃經。胃主肌肉。故發爲痧。宜用梟粘升麻之類。於清涼解毒之中。兼以升提出表。



爲主如始驟以清胃寒劑則血不行肌肉冰烏能載毒以  
出必至沉匿於腎而爲壞症矣若至身發紫赤黑色等症  
而眼中白睛之內色如桃花水紅色者蓋白睛屬肺是主  
內潰肺胃敗壞必不可治其色乃內起淡淡一種水紅之  
色非若筋膜赤障外浮於睛也

### 夾疹

痘出而夾疹者先哲謂之兩虎蹲欄蓋痘宜補而不宜瀉  
瀉則不鼎峻疹則宜瀉而不宜補補則乃發喘然在痘初  
只宜透托一旣表痘又兼發疹疹出卽解故兩安而無礙

者也。惟在灌膿之際，不可太發。僅宜助漿劑中，去參耆之類，加入黏子、桔梗、蟬退、殭蠶等藥，一助灌膿而兼理肺氣。肺氣既清，而陽毒自徹散於上矣。至於痘後發者，惟獨治疹可也。然凡先見疹子而夾出如水痘者，此是正痘。因疹子耗去榮血，故白似水痘。但與發散疹子則疹散而痘自成。不可認作水痘。蓋疹子從不夾水痘者耳。

夫膚癰者是熱毒之氣發越而然也。其暴出之時，點如麻狀，但色鮮赤成片耳。治宜清涼敗毒。若癰散數日而痘隨出者，則勢稀朗而自美。有癰癰者，多屬於脾。以其隱隱在

於皮膚之間。故名之也。其發時多癢。或麻木不仁。此兼濕痰之殊。若色紅者。又兼火化也。治宜亦與解毒爲主。更有謂痧者。其形如粟一般。尖圓而稍硬。指中含清水是也。總屬熱毒之所發。名殊而源一也。

### 夾丹

夾丹者。血熱也在痘之未出時見者。只宜升提發散。而用紫草升麻。粘子蟬蛻。川芎。荆芥。防風。桔梗。乾葛之類。痘出而丹自淡。若過用寒涼。則痘必冰伏。若在痘出三四日間。則宜涼血解毒。而用生地。牛蒡。木通。荆芥。犀角。紫草之類。

然又須看其顏色何如紅紫者熱極也白者痰濕也至於青黑不可爲矣。

### 夾癰

癰者卽頤毒也每有於未痘數日之前發一小塊色同肌肉不紅不腫不痛最宜急治否則痘時而加透托則勢先潰爛痘必伏而不起甚有至痘八九日間連肉跌出此塊而肉無膿汁者尤極危症是由虛火挾痰所致故宜貝母花粉甘桔之類預爲清利解散以免後患。

夾癰一症多屬痘毒痰毒凝結而成有結於頸頸成結於



耳後或結於腋下。大者如桃。小者如李。初起則症候如常。次必身烙煩渴而變凶危。然痘在三四日而寧作焉。則毒隨痘洩膿隨痘灌。自可挽全而無害。故治宜攻痘爲主。倘癰在紅腫將膿而痘隨標焉。則毒膿一潰。元氣囂滴。其痘焉能表暴充灌乎。治法惟宜培元補托。兼與消痰解毒爲主。若在七八之期。痘已黃蠟而癰作焉。則雖潰無妨。但血氣重耗之後。大宜保護元氣。佐以消痰解毒耳。

### 夾凡瘡

痘夾凡瘡。則氣血爲瘡所奪。痘多不能起發。成漿。况瘡乃

陰毒痘乃陽毒陽乘乎陰遇隙而發故痘愈密臭灸退發  
玄水不滋多變焦紫且衛氣易洩風癢自作升發則發益  
間寒涼痘毒又遏若是則治法維何必先審其患瘡之人  
近兒痘之強弱毒勢之起伏如瘡已久而收在或頭或足  
者則宜封其瘡使氣不外洩則痘自起自灌倘瘡纔起而  
周身密布者則宜解毒涼血而兼托痘則痘自鼎峻熾者  
和之伏者攻之仍以大補氣血為主使其接續膿漿而無  
乾枯內攻之患又有若火灸而無皮無汁者是名火灼瘡  
也尤宜涼血化毒為主



# 夾癰毒

夫痘癰爲陽毒。然癰夾於痘中。不可槩以陽毒爲論。蓋發於七日前者。凡瘡也。有因素積熱毒內伏。遇痘毒火感。激乃相併而發者。更有素患凡瘡未痊。或初結癰處。肉分空虛。遇痘熱毒氣血攻擊。復趨虛處而發。是以陽瘡陰毒。混雜一黨。須看其毒濕潤者。則氣血俱盛。而痘與毒自易成漿也。若毒枯燥乾紅。則氣血俱弱。必毒與諸瘡相抗。而俱不能成漿矣。治宜大加補托。如枯轉潤。紅變白。其漿自溢者。可愈。惟在七日後發癰者。陽毒也。此卽痘之毒併聚一



處以假其名也。蓋因氣血不能拘收，乘載其毒，以致氣弱血盛，陽分空虛，而乃血載其毒，傳注四肢合處。合者，海也。如曲池委中是也。總七日前後見者，宜縱之以發，則毒亦從此而出矣。若治其毒，則必隨痘而散，內攻臟腑焉可救乎？惟於痘毒已解，血氣豐盛者，則宜解散其餘毒。然癰之成也，多由氣血不和，留結所致。況病久必虛，故解毒湯中必君以調和榮衛，補益氣血為主。卽痘始夾癰者，亦須大用芎歸黃耆、生地、殭蠶之類，大補氣血，以托解其毒。否則氣血爲毒所絀，而痘必難成功矣。

# 夾傷寒

夫傷寒自表入裡。痘疹從裏達表。候雖相似。症實大異。若痘正發而夾傷寒者。是邪在表。可用發散以微汗之。則勝理疎通。而痘出自易矣。若傷寒在痘三四朝。而有煩躁譫語。腹脹惡渴。睡臥不寧。便閉者。是邪在裏。可用微下。次卽隨以升提。則表裏和平。邪壅自解。經絡無滯。榮衛得行。而毒化成漿。自易矣。此所謂應犯而犯。似乎無犯。至如可以不汗不下。尤爲順候。然卽汗卽下。又宜兩安。貴乎急則治標。緩則治本。而兼以痘之明痘之候。竝參之。然真傷寒者。



少類傷寒者多。况小兒八歲以下無傷寒。切勿以頭痛發熱者便作傷寒例論也。

### 夾瘧

夫痘與瘧偕來而有難保全者何也。蓋瘧名脾寒則脾先受傷而虛矣。痘者豆也。賴土而生。長若土先受伐則焉能滋培。化育。况似瘧非瘧者多。蓋陽虛則惡寒。陰虛則惡熱。陰陽虛而寒熱交作。若不大為補益而投以青柴則殆矣。

### 夾疳

夫有蒸熱作渴。肉瘦肌黃而患痘。反多無恙者何也。請云。



氣者不於肌肉論肥瘦言血氣者不於形骸定虛實況壽  
從外病而化肌由潮熱而鬆乎且肥白之兒肉浮骨脆腎  
氣多虛能耐諸症而獨難於痘瘡黃瘦之兒骨勁筋強腎  
元多實雖多生疾病而獨於痘瘡恒無苦也

### 夾損傷

有因跌撲所傷是以血氣虧損者不可槩用歸尾桃仁之  
類蓋受傷已耗榮血何堪又復敗之夫痘豈可破敗其血  
以成功耶故宜參耆芎歸紅花熟地蟬蛻之類以流行其  
滯而宜補於內再加茯神遠志以寧固其心外用文蛤棕

灰會於傷處。收斂其表。若痛甚者。再加乳香。若外傷痕爛。弗克收斂者。則用白芨。白斂。象皮末。以摻之。若傷面不破者。則用蝦蟇灰貼。以手徐徐摩撫。散其滯血可也。至於湯火烙者。則宜燎以清涼之劑。不可敷以寒冷之方。蓋恐凝滯其痘。而且熱氣內攻也。

### 嘔吐噦

凡聲物兼出者爲嘔。如物獨出者爲吐。如聲獨出者爲乾嘔。其乾嘔與噦皆聲之獨出。惟乾嘔其聲小而短。噦則其聲重大而長。吐在初起是火炎上之徵。至於嘔噦乃毒內

攻之兆。然有暴大吐瀉不已。神亡欲絕。脉微欲脫。面青。冷惡症。備見。而反覺膈快。神强者。是正氣雖脫。內熱方去。熱則神昏。寒則神清。是以暫覺寬快。但正氣大虛。邪氣必奪。故不久頓發喘汗昏悶而死。猶燈盡復明也。至如嘔噦。在病深者。尤為惡候。蓋人以胃氣為本。胃者土也。土敗則木來侮之。故木挾相火之勢。上乘乎胃。其氣自臍下直犯清道上出貫門。微則乾嘔。甚則發噦。總皆土敗之象。經曰。木陳者葉必落。弦絕者聲必嘶。病深者聲必噦。凡痘初吐瀉。不可驟止者。以吐乃出熱。瀉乃出毒之義。蓋

痘毒在內愈止愈甚夫熱毒壅塞於胃口火氣炎上之象  
不治痘而吐愈者未之有也但宜表痘痘出而吐自止不  
治吐而吐自愈若以尋常治吐之法益增嘔逆煩躁之端  
更不可用辛燥之藥以致血不革色雖似胃寒勿用熱藥  
蓋暴病非陰况痘本熱毒耶至若痘後惡心乾嘔不止者  
是衝任虛火上沖犯於清道多係臟敗毒攻不救之惡候  
也急宜分陰陽利小便蓋治乾嘔之症法以利小便爲主  
耳若利而不通者危也

泄瀉